

سروش

سر ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لاق مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

بوندن ماعدا بن ، عسکر سز وسطولسز بر آدم . رفاقتله روس
اوردوسنک هیبتی آرتمایاجنی کبی بولونمايشمله ده عسکر کزک قوتی
اکسلسز . جوانی ویردم .

— ناصل آرزو ایدرسه کز اوپله اولسون . برلکده کلهیه
مجبور دکلسکز . دیدی .

— شیمدیکی حالده حکومتکیزک تحت حمایه سنده بولونویورم .
اگر بنم آرزوی آریورسه کز آته بنمک وآوه کیتمکده در . زیرا
کچر دیکم صدمات طولایسبله آرتیق محاربه دن تنفر ایدیورم . دیهرک
ایشی لطیفهیه دوکدم .

— کندی چادرمک یاننده سزک ایچین ایکی چادر قوردوردم .
دیدی . تشکر ایتدم . فی الواقع ایمراطورک عمجه زاده سی ایچین
قورولان چادرلردن اوتوز ، والینک چادرلردن ده قرق قدم فاصله
ایله بزم ایچین ایکی چادر اقامه ایدیشدی . والی ، هر کون بش ، آلتی
دفعه بنم کوروشمهیه کلیوردی .

یکرمی کون صوکرانی چاغیرتوب :

— عسکر من افغانستانه یورومک ایچین حاضر در . سزده کیتمک
ایستهرمیسکز ؟ سؤالنده بولوندی .

— اکر افغانستانی روسیه نامنه تسخیر ایتک فکرنده ایسه کز
بنم کیتمه مدن نه فائده حاصل اولاجق ؟ یوق ، آلوب ده بکا ویرمک
املله کیدیورسه کز نافله زحمت چکمه یکز . بیک نفر نظامیه پیاده سی
وبیک نفر نظامیه سوارسی ایله بر باطاریه طوب ویریکز . بن کنیم
کیدر ، ولایتی استرداد ایدرم . مع مافیه شوصیراده دعا کوی دولت
اولمله وآته بینوب آوه کیتمکله مشغولم . بناء علیه سمرقنده قالمق
بنم ایچون مرجحدر . شوده وارکه سز بوقدر آز عسکرله افغانستان
اوزه رینه یورویه مزسکز . چونکه افغانلیرک نه قدر شجیع اولدقلرینی
وارکنج اهلایسی کبی اولمادقلرینی پک اینی بیلیرسکز . شبهه سزکه
مقصد کز باشقه در . جوانی ویردم .

مترجمی

مابعدی وار

طاهر المولوی

تجلیات اسلامیة

تجلیات اسلامیة

صوک هفته نک وقایع مهمه سی آره سنده اک جالب دقت اولانلر
افغانستان امیری حضرتلرینک عثمانلو صدراعظمی سعید پاشا حضرتلرینه
یازمش اولدینی مکتوبی وفرانسسه باش ناظری موسیو پو آنقارنک
نطقی در .

شو ایکی واقعه یک دیکرینه اختلاف منابع وبعد مسافیه رغماً
غایت صیقی بر رابطه مغویه ایله مربوطدرلر . هر ایکسی عین موضوعه

رؤسای پترستانک جمله سی قتل ایدیلوب (بعل) معبدی دخی تخریب اولنش در .
یهودیه حکومتک بوش قالان تفتی (یوآش) طرفندن اشغال اولنور
اولتاز مقتول حکمدار (بهورام) ک زوجیه سی آتالیا دخی قتل ایدلش دی .
« بو ایشی یانعه مأمور اولان ضابطله شاید آتالیایی قورتارمغه تشبث ایدن
اولورسه آتلیکده مان اولدیرله سی امر ایدلش دی . »

بو امرک ایفاسندن صوکره یکی حکمدار مسجد اقصایه کیدوب [۱]
مواجهه عمومیه ده « وظائف مذهبییه نک ایفاسنه ، اوامر الهیهیه - حضرت
موسی طرفندن نقل اولدینی وجهله - انقیاد تام کوستره جکنه » عین ایتدی .
بورسم تحلیفدن صوکره اهالی مجتمعا (بعل) معبدیه کیده رک بنشایی خاک
ایله یکسان ایله دیلر و بو ائناده (مانان) اسمنده [۲] بر پترست راهبینه ده
قتل ایتدیلر .

کرک یهودیه ، کرک اسرائیلیه حکومتلرنده بکدیگرینی متعاقب بر قاچ
حکمدار کلدی ، کچدی . لکن اعطای تفصیلاته شو محیفه لر مساعد اولدیلر
(ارکیا) نک یهودیه و (هوزیا) نک اسرائیلیه حکمداری اولدینی دوره
کچه جکیزک : بو ائناده اسرائیلیه حکومتک نهایتی آرتق سرعتله یاقلاشیوردی .
چونکه (آتوریه) دولتی قرالی (سالامانزار) سامریه اوزرینه یوروش ،
اوچ سنه دوام ایدن عنودانه بر محاصره ومدافعه نتیجه سنده شهری تسلیم
آله رق ۲۴۰ سنه در بالاستقلال موجود اولان اسرائیلیه حکومتنه نهایت
ویرمش در . اسرائیلیه حکمداری اسیر اولنش ، بنی اسرائیل ایسه و غلزلردن
نقی واجلا اولنش دی . ایشه بو تاریخدن اعتبارآدرکه : تاریخ بنی اسرائیلک
اون ایکی سبطندن ، اسرائیلیه حکومتی تشکیل ایتک اوزره آیرلش اولان
اون سبطنک اینزینی - معین ، مستقل بر ملت اولق اوزره - غائب ایدیور .

مترجمی

علی رضا سیفی

افغانستانه

امیر عبدالرحمن خان

(مابعد)

شهر سبزک امراسی (خوقند) کلدیکی کبی اورانک خانی بونلری
طوتوب تاشکند کونده ردی . یولداشلرله ماللرینی ده نفسی ایچین
ضبط وتوقیف ایله دی . بکله ، اون سکز آی تاشکندده محبوس قالدیلر .
صوکره محبوسدن چیقاریلوب بر مقدار آیلغه نائل اولدیلر . (میربابایک)
ایله (میرسهراب بیک) برادرلری و آرقه داشلرینه ۱۳۰۴ سنه سنه قدر
تاشکندده موقوف قالدی . بخارا امیری ده بونلرک اهل و عیالی یانلرینه
یوللادی . بو وقعه دن ایکی سنه صوکره روس عسکری (ارکنج)
اوزه رینه یورومک ایچین حاضر لائمشدی . تاشکند والیسی عسکرله
(جزک) کلوب بنی ده چاغیرتدی . آرابه ایله ایکی کون صوکره ملاقی
اولدم . علی المعتاد اکرام واحترام کوسته ردی و اثنای مصاحبتده :

— عجیباً معیتکیزله برابر ارکنجه قدر بکا رفاقت بویورورمیسکز ؟
تشریف ایده جک اولورسه کز لوازم سفریه کزی اکال ایدره ز . دیدی .
— آرقه داشلرکم سزکله کلک ایچین حاضر لانا بیلیمه سی بر آیه
متوفدر . سز ایسه بوراده دورت کوندن زیاده طورامازسکز . دیگر
جهتدن بوحر بکیز مسلمانلرله اولاجقدر . بز ایسه اونلرله هم دین
وهم مذهب . شریعتمز بزی اخوان دینزله چاریشمقدن منع ایتمشدر .

[۱] قرونیکل - تاریخ بنی اسرائیل ۲ - ۲ نجی باب - ۶ نجی قهره